

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.03.2018թ. թիվ 1807775430 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<13>> 04 2018թ. 174-4299-18/174-5605

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Սամվել Աշոտի Քալանթարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Արշակունյաց պողոտայի 306Ա տան բնակիչ Սամվել Աշոտի Քալանթարյանը դիմումով հայտնել է, որ <<MAN>> մակնիշի 34CU486 հաշվառման համարանիշի տրանսպորտային միջոցը վարել է ինքը, ուստի խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 16.03.2018թ. թիվ 1807775430 որոշումը՝ նշելով, որ համաձայն չէ որոշմամբ արձանագրված իրավախախտման հետ:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Սամվել Աշոտի Քալանթարյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի անհամաձայնությունն անհիմն է և ենթակա է մերժման՝ հետևյալ պատճառաբանությամբ.

ՀՀ կառավարության <<<< ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին >> N 955-Ն որոշման 57-րդ կետի համաձայն՝ բոլոր ճանապարհներին միևնույն ուղղությամբ երթևեկության երեք և ավելի գոտիների առկայության դեպքում, ձախ եզրայինը թույլատրվում է զբաղեցնել միայն ինտենսիվ երթևեկության ժամանակ, երբ զբաղված են մյուս գոտիները, ինչպես նաև վազանց, ձախ շրջադարձ կամ հետադարձ կատարելիս, իսկ 3,5 տ ավելի թույլատրելի առավելագույն զանգված ունեցող բեռնատար ավտոմոբիլներին և ուղևորների կանոնավոր փոխադրումներ իրականացնող տրանսպորտային միջոցներին՝ միայն ձախ շրջադարձ կամ հետադարձ կատարելու համար:

Իրավախախտումն ամրագրած տեսանյութը փաստում է, որ դիմումատուն <<MAN>> մակնիշի 34CU486 հաշվառման համարանիշի տրանսպորտային միջոցով 08.03.2018թ. ժամը՝ 12:45-ին Երևան քաղաքի Սեբաստիա - Րաֆֆի - Վանթյան փողոցների խաչմերուկի հատվածում երթևեկել է ձախ եզրային գոտիով:

Այսպիսով վերը նշված նորմի համաձայն դիմումատուն իրավունք չունի նշված տրանսպորտային միջոցով զբաղեցնել ձախ եզրային գոտին, ուստի վարչական պատասխանատվության ենթարկելու մասին 16.03.2018թ. թիվ 1807775430 որոշումը իրավաչափ է և այն անվավեր ճանաչելու հիմքեր չկան:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Սամվել Աշոտի Քալանթարյանի՝ Ճանապարհային ոստիկանության վարչական տույժ նշանակելու մասին 16.03.2018թ. թիվ 1807775430 որոշման հիմքում դրված փաստական հանգամանքների դեմ բերված գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Սամվել Աշոտի Քալանթարյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Սամվել Աշոտի Քալանթարյանին և ՃՈ ՏՄՀԽԱ կենտրոն:



Ե.Կարապետյան